

Al-Kitab untu' Ana'-ana'
Mempersembahkan

Pammula-mulang
Assusanna
rupatauwé



Parokina Iyanaritu: Edward Hughes

Pa'gambara'na iyanaritu:
Byron Unger; Lazarus; Alastair Paterson

Pengadaptasinna iyanaritu:
M. Maillot; Tammy S.

Penterjemana iyanaritu: Armin Sukri

Paproductsina iyanaritu: Bible for Children
www.M1914.org

©2020 Bible for Children, Inc.

Ijin: Weedimmua rilemba iyaré curitaé iyakiya de' nawedding ri balu'.



Allatalaa pancajiwi iya maneng
seuwa-seuwaé! Riwettunna Allataal
pancajiwi tau bunge'é, Adam, tuwoi
ri seddié dare' iyaseng Eden sibawa
bainéna, Hawa. Tuwoi
siwollom-pollong sibawa
masennang gangkanna
engkana seddi
esso ...





"Tonget-tongengiga
Allataala mattéyakko
manréi buwa-buwa
polé risininna ajué
ri tammengngéwé?"
Makkutani ulaé lao
ri Hawa. "Weddikki"
manréi iyamanenna
sangadinna seddi,"
mappébaliwi Hawa.



"Narékko rianréwi
iyaréga rigaru'I iyaro
buwaé, mateki' matti'."
"De'nasitinajako maté,"
makkedai iyaro ulaé.
"Mancajiko matu'
pada-pada Allataala."
Namacinnana Hawa
manréi iyaro buwaé.
Natuririwi iyaro ulaé,
nanaanreni iyaro
buwaé.

Puranana naanré iyaro buwaé,
Hawa natiwirettopa lao ri
Adam nainappa naanrétopa.
Sitinajai Adam makkeda,
"De'! De'nawedding
uwewai adanna
Allataala."





Riwettunna
Ada sibawa Hawa madosa,
nasadarini makkeda aléna mennang
mallusu-lusui. Nalani dau-daungngé
napakéwi mancaji waju untu' sampa'i aléna
nainappa makkacu'bu polé riyolona Allataala.





Ritengnga kecce' é riwettu élékélé engkani Allataala lao ri dare'éro. Naissenni aga pura napogau' Adam sibawa Hawa. Adam nasalanni Hawa, makkunwatopa Hawa nasalanni iyaro ulaé. Makkenana Allataala, "Ukutu'ni iyaro ulaé. Makkunraiye napérasaiwi matu' peddina rekko maémmana'i." "Adam, nasaba' madosako, rikutu'i linoé sibawa dori na wella.

Manrasa-rasa
ko matu' majjama
sappai inanrému."



Narisuroni salaiwi Adam
sibawa Hawa iyaro dare'é.
Nasaba' madosani mennang
massaranni
polé ri
Allataala!





Allataala mabbuni Bangkung
iya

malluwa'luwa'é untu'
jagaiwi iyaro dare'é.

Maébbu tona Allataala pakéang
polé ri bengkulang olo-kolo'é
nainappa napakéngengngi
Adam sibawa Hawa. Kégai
Allataala runtu'
bengkulang
olo-kolo'?



Riwettuéro, jajini ana'-ana'na Adam sibawa Hawa.
Ana' bunge'na iyanaritu Kain mancajiwi pa'dare. Ana'
makaduwana iyanaritu Habil mancajiwi pakkampi.




Riséddié esso Kain tiwi'i wassélé' dare'na
untu' akkarobangngeng. Habil tiwitoi iya
kaminang makessingngé polé ri bimbala'na untu'
nakkarobangeng lao ri Allataala.

Namasennangna nyawana
Allataala tarimai
akkarobangenna
Habil.



Iyakiya Allataala de'namasennang
atinna lao ri akkarobangenna Kain.
Namacai'na Kain. Makkedani
Allataala, "Rekko mupogau'i iya
makessingngé, de'ga nasitinaja
U-tarima?"



Iyaro Kain tette' mupa monro
cai'na. Nariseddié wettu ri
padangngé nagasani Habil
gangkanna maté!



Allataala makkedana lao ri Kain. "Kegani anrimmu, Habil?" "De' kuissengngi," napoada Kain. "Iya'ga pangonranna anrikku?" Allataala nahukkunni Kain mancaji tau kalao-lao ri padangngé.



Nalaona Kain polé riolona Allataala. Napubénéni ana' makkunrainna Adam sibawa Hawa. Namancajini seddi kaluarga. De'namaitta, ana'-ana' sibawa eppo-eppona Kain napennoini onrong iya naruntu'é.



Makkuwaniro, kaluargana Adam sibawa
Hawa tappédé'ni maégana. Riwettuéro,
rupatauwé tuwoi malampé sunge' na tau
engkaé makkekkuwangngé.



Riwettunna jaji ana'na riaseng Seth, makkedani Hawa, "Allataala nawérékka' Seth untu' sulléiwi Habel." Seth tuwoi makessing sibawa malampé umuru'na 912 taung sibawa mappunnangngi maéga ana'ana'.



Rilaleng Linoé, rupatauwé tappédé'
mancajiwi majasipa'lao ri pada-padanna.
Gangkanna Allataala napettuiwi untu'
hukkungngi sininna taulinoé sibawa
sininna olo-kolo'é kuwaétopa
manu'-manu'é.





Engkana tau riaseng Nuh. Ana'-eppona Seth,
Nuh tuwoi situru elona Allataala. Nanapaggurui
ana'-ana'na maréngkalinga lao ri ada-
adanna Allataala. Rimakkuwannaro,
Allataal maéloi pakewi
Nuh untu' pancajiwi
elo-Na naolai

cara-cara
mattentué.

Pammula-mulang Assusanna rupatauwé

Seddi curita polé riada-adanna Puang
Allataala, Al Kitab,

riruntu' rilaleng

Kajajiang 3-6

"Rekko ripakanessai, ma'bbéréi tajang
pappaguruwam-Mu." Mazmur 119:130





Paccappureng



Iyaré curita pole ri Al-Kitab powadai passalenna Puang kaminang malebbi'é iya puraé pancajiki,' naiya maélo' toi kuammengngi idi' misseng toi Aléna.

Puangngé naissengngi makkeda purai ri pogau maja'é, iya riasengngé dosa. Pahukkungenna dosaé iyanaritu amateng, iyakiya Puangngé makkumani namaséi ki' na nabbéréangngi Ana' tungke'na, Isa, untu' maté ri aju salli'é sibawa tarimai pahukkungenna dosaé. Isa réwe'I ri atuwongngé sibawa lisui ri bola ri Suruga! Narékko mateppe'ki lao ri Isa na marellau ki' addampengeng lao ri dosata, maéloi pogau'I! MaéloI muttama sibawa monro ri laleng atuwommu, sibawa maéloI tuwo sibawaki' manennungeng.

Narékko mateppe'ki' makkedaé tongengngi iya ada-adaé, powadai makkuwa lao ri Puangngé:

O Isa, mateppe'ka makkeda Idi' natu Puang, purani' mancaji tau lino enrengngé maté ri dosa-dosa ku, iyakiya makkekkuwangngé tuwoki' paimeng, Muttamaki' ri laleng atuwokku sibawa addampengengngi dosa-dosaku, kuwammengngi weddingngi ku tarimai atuwong mabarué, sibawa engka wettu kuwammengngi weddikka' sibawa ki' mannennungeng. Tulungka' maccowé ri Idi' sibawa tuwo pada-pada ana'ta. Amin.

Bacai kittáé sibawa abbicaraki' lao ri Puangngé esso-esso! Yohanes 3:16

